

SAN MARTIN Y LUNGIARÜ

La Uniun di Èi Val Badia inviëia düc i èi y i jogn ala prozesciun cun linternes o ciandëres ai 13 de má, che pëia ia dales 21.00 da Porsenú (plaza Aquarena) cuntra Neustift, dailó Mëssa. Na coriera aposta passa ia dala Burcia da San Martin dales 19.20. Anunziësse pro Leo 348 40 96 351 cina ai 10 de ma.

Invit ala preparaziun dl Bato ai 7 de ma - *ciarede tl'ultima plata*

SAN MARTIN

I orun tigní via la devoziun a Santa Maria y insciö tó pert ales coronas de ma.

LUNGIARÜ

I Seniors da Lungiarü y San Martin/Antermëia é dër bel invia ala jita de ma, le mertesc, ai 24 de ma. I jun a Balsan a ti ciaré al implant idroelettrich "St. Anton" y spo cun le lift sö Kohlern a marëna. Ma 25 pó ji a ti ciaré al implant. I atri pó ji tl museum Ötzi o tl museum dla natöra. Le bus pëia ia dales 07.30 a Lungiarü y dales 07.45 a San Martin. Bus, lift y museum vëgn paiá dales Uniuns, le rest se paia i seniors instësc. Osservanza dles regoles Covid y se tó do la mascherina! Prenotaziuns cina en sabeda 07/05, dales 12.00 pro Renate Tatz 342 32 79 406.

La Uniun di Èi da Lungiarü inviëia düc al peregrinaje a Weißenstein en domënia ai 22 de ma. I piun ia dales 06.45 dala plaza sura scora y rovun a ciasa dales 17.00. La Mëssa é dales 10.00, marëna dales 12.00 y söi iade derevers storjunse pro a Neustift. Le cost por le bus é de 17 € por i gragn y 10 € por chi sot a 18 agn. Prenotaziuns pro Dolorico Mischi 347 94 70 133 cina ai 15 de má.

En jöbia, ai 5 de ma, dales 19.00 inant él tla biblioteca dl Istitut Ladin a San Martin dui referac: "Eiger – Die längste Nacht meines Lebens" de Andrea Wisthaler y "Roda: Eco-Italia" de Alexander Liotto, y lapró na roda dla fortuna cun deplü pesc. Mostra de libri dles munts cina ai 10 de jügn tratan l'orar de daurida dla biblioteca.

Invit al De dla Unité Ladina en sabeda, ai 7 de má, dales 14.00, a Reba/Fodom, tl salf dles manifestaziuns: bandira ladina, unité ladina, prospetives y aspetatives di jogn, mësa torona, concluiun dales 18.00 cun musiga y renfrësch.

La Uniun dles Patronas inviëia tl salf di stödafüch a San Martin al referat en mercui, ai 11 de ma, dales 20.00 - 21.30 cun l'espert Alexander Huber. "Blumen-Beeren- und Wildsträucher". Dedô baratada de ciüf o somënzes. Düc pó se tó do ciüf, pelzes o somënzes ch'ai n'adora nia plü y les baraté ite cun d'atres

Döt le bun a chi che complësc i agn de ma

a San Martin Emma Costabiei che nen complësc 85 al 1
Nina Rubatscher Tolpeit che nen complësc 92 al 1
Zita Prada Planatscher che nen complësc 87 ai 5
Pio Baldissera che nen complësc 93 ai 8
Clara Tavella Videsott che nen complësc 80 ai 9
Sefl Prousch che nen complësc 84 ai 23
Milia Comploi Rives che nen complësc 80 ai 24

a Lungiarü Monica Mischi Daporta che nen complësc 86 ai 13



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



www.valbadiaonline.it/comunita

01.05. - 08.05.22 nr. 23


ultimo termo por comunicaziuns: jöbia, dales 20.00

3ª DOMÈNIA DE PASCA - C

Vangele do Jan 21,1-9

Gejù ti à dit ai discepu: Mi mituns, ne n'ëise nia da mangé? Ai ti à respognü: Nou. Mo èl ti à dit: Sciurede fora la rèi dala pert dërta dla barca, y i abinarëis val'. Ai à sciuré fora la rèi y n'ê nia plü bugn da la trà indô ite, tan plëna de pësc ëra. Canch'ai ê spo jüs sön tera frëma, ài odü ia por tera n fuch de borëis y lassura pësc y pan. Gejù ti à dit: Portédenen ca de chi pësc ch'i èis dër pié y spo gnide ca y mangede! Gejù à dit: Gnide ca y mangede!

... Y Gejù à damanè Scimun Pire por le terzo iade: Scimun, fi de Jan, m'oste bun? Dailò à Pire ciafè la ria, ciodiche Gejù l'â damanè por le terzo iade: M'oste bun? Al ti à dè risposta: Signur, tö sas döt: tö sas ch'i t'ô bun. Gejù ti à dit: Verda mies bisces!



Ai ê indô jüs a pié pësc, deache le tëmp cun Gejù, mort söla crusc, ê por èi rovë. Jí a pié pësc ch'ai ess val' da vire, impede jí a davagné la jënt por le règn de Dî. Lauré y derzé fora val', impede confidé te Dî y te süa noela dl amur. Ai ê indô rová sön chë pert olach'ai ê denant co ch'ai conessess Gejù.

"Sciurede fora les rèis dal'atra pert!" é l'invit important de chësc vangele. Gejù ti recorda, che la benedisciun de Dî ne stá nia tl fá inant sciöch'ai ê ausá, dala pert dla prestaziun y dl suzes, mo dal'atra pert: dala pert dla fede, dl amur y dla speranza.

Trëi iadi él Gejù che damana Pire: M'oste bun? Al ne damana nia: Vëigheste ci ch'i sun bun da fá cun l'aiüt de Dî? mo ma: M'oste bun?

Vita plëna é dal'atra pert, olach'i se respetun un l'ater y se tignun alalt, olach'i jun inant cun amur, speranza y fidënza.

Image

EDEMA	SAN MARTIN	LUNGIARÜ	 I periun do l'intenziun dl Papa tl mëis de ma
01.05.22 3ª DOMËNIA DE PASCA Festa de San Florian	8.45 Prozesciun de S.Florian a Picolin 9.30 Gran Mëssa por la Comunità en onú de San Florian por i Stödafüch + Angelina Tolpei 13.00 Bato de Lukas Chizzali 19.30 Corona de ma sò Ju	7.50 Corona 8.15 Gran Mëssa por la Comunità en onú de San Florian por i Stödafüch dedô: Benedisciun auti y mascins ia dal Pech 14.00 Bato de Miryam Silvestri	I periun por dotes les jones y i jogn che é cherdá a na vita plëna: ch'ai impares, do l'ejëmpl de Maria, da ascuté, da odëi fora le bun, da crëie cun coraje y da ester arjigné da sorví.
02.05.22 <i>Atanase, Sigismund</i> Lönesc	19.30 Corona de ma a Picolin		M A R I A 
03.05.22 <i>Iaco y Filip apostui</i> Dedolönesc	19.00 Mëssa + Ida Dariz + Erwin Rungger (dl ann)		
04.05.22 Dedemesaledema <i>Florian, Guido, Valeria</i>	20.00 Corona de ma a Frëina	7.30 Mëssa ++ geniturs Luigi y Monica ++ fredesc Sepl y Carlo Rives +++ Carlo, Pio y Sepl Mischi cun geniturs Oraziun por la pesc	
05.05.22 Jöbia <i>Iuta, Sigrid</i>	7.30 Mëssa + Maria Planatscher Trebo Corona por vocaziuns 19.30 Corona de ma a Bioch		
06.05.22 Pröm vëndres <i>Gundula, Antonia</i>	domisdé: Provijiun di amará 18.30 Adoraziun chîta 19.00 Mëssa + Linda Winkler Agreiter + + de Frida y Franz Planatscher	7.00 Adoraziun 7.30 Mëssa + + Paolo y Zita Dapoz + + Isidoro y Monica Mischi danmisdé: Provijiun di amará	te dõta tûa vita t'aste tigní a Chël Bel Dî. Dëidesse da aldí sciöche tö <i>ci che Idî ó nes dí a nos.</i> Dëidesse respogne sciöche tö <i>al Dî che vir y che se lascia adintëne.</i> Dëidesse confidé sciöche tö <i>cun n cör che vëiga.</i> Dëidesse orëi bun sciöche tö <i>cun generosité y sinzirité.</i> Dëidesse da dí de scé sciöche tö <i>cun gran fidënza.</i> Dëidesse aspeté sciöche tö <i>cun n cör arjigné, cun edli y oredles</i> <i>davertes y cun n spirit acort.</i> Maria, Uma dl Signur. <i>dëidesse crëie sciöche tö.</i> Maria, te i as orü bun a Chël Bel Dî <i>cun dõt le cör, cun dõta l'anima</i> <i>y cun dotes tûes forzes.</i> Regina dl cil, præia ince por nos do la grazia dl amur a Idî y al proscim. <i>Cun te laldunse Idî tla Trinité:</i> Gloria al Pere y al Fi y al Spirit Sant <i>sciöch'al é sté sciöch'al é y sará.</i>
07.05.22 Sabeda <i>Gisela, Virginia</i>	20.00 Mëssa prefestia + Hilda Prousch y fam. Hubert y Emma Prousch dl ann Angela Tavella Kastlunger + + Carlo y Hannele Zingerle + Angelina Vanzi Baldissera	18.30 Mëssa prefestia + Carlo Planatscher + Franz Frenademez, Fücia + Marino Clara	
08.05.22 4ª DOMËNIA DE PASCA Festa dla Uma	Festa dla Pröma Comuniun 9.30 Ingres dala scora Mëssa da festa por i neocomunicanc dl ann + Tone Tolpeit 19.30 Corona de ma sò Ju	7.50 Corona 8.15 Gran Mëssa por la Comunità en onú dl Sanch prezios de Gejú	